

SARS yi lemukisa mayelana na swikeme swa vuyiselo wa mali swa vukungundzwana

Tshwane, 8 N'wendzamhala 2021 – Vukorhokeri bya Xibalo bya Afrika-Dzonga (SARS) byi lemuka nhlayo ya swiendleko laha micinco eka tiphurofayili ta eFiling ta vativi va xibalo na / kumbe vahakelaxibalo yi nga endliwa hi xikongomelo xin'we xo xisa SARS na vahakelaxibalo lava khumbekeke.

Migingiriko leyi ya vukungundzwana yi endliwa hi vanhu lava nga na mfikelelo wa tiphurofayili ta eFiling hi ku tirhisa vunjoveri kumbe swikeme swin'wana swo biha ku cinca vuxokoxoko bya ntiyiso bya le bangi bya muhakelaxibalo ku hambukisa timali. Vanhu lava va tlhela va rhumela mitlheriso ya xibalo ya vukungundzwana ku hlengelela mivuyiselo ya mali.

SARS yi teka magoza hinkwawo ku hunguta mitshovo ya vuhlayiseki eka tisisiteme ta vuxokoxoko bya hina naswona a ku na vumbhoni bya leswaku tisisiteme ta SARS ti hekiwile.

Eka vhiki leri nga hundza, micinco yo tala yi simekiwile ku tiyisisa xindzhuti xa tisisiteme ta SARS. Micinco leyi yi katsa phurosese yo tsundzuxa vativi va swa xibalo loko mfikelelo wa vona eka tiphurofayili ta muhakelaxibalo/tlilayente ti susiwile ku katsa na ndlandlamuxo wa xibalo xa malinghena xa munhu yena n'wini na phurosese ya eFiling, exikarhi ka swin'wana. Yi endliwile ku endla swi tika eka tielemente ta swa vugevenga ku kuma vuxokoxoko bya vunyeta no vanga vukungundzwana.

Ku sirhelela tiphurofayili ta eFiling, vativi va swa xibalo va hlohloteriwa ku tiyisisa leswaku tikhiredenxiyali ta phurifayili a ti averiwi na munhu kumbe tikhamphani. Vaaki va hlohloteriwa ku tshama va pfule mahlo eka swikeme swa vunjoveri leswi kombelaka ku avelana vuxokoxoko bya vutitivisi na bya le bangi.

Timhangu ta micinco ya tiphurofayili ta vuxisi na leti nga pfumeleriwangiki swi nga mangariwa eka *SARS Anti-Corruption and Fraud Hotline* eka 0800 00 2870. Vahakelaxibalo na vativi va swa xibalo va hlohloteriwa ku ka va nga tirhisi tipulatifomo ta swa mabulu, to fana na Facebook ku vika timhangu teto kumbe ku paluxa vuxokoxoko bya vunyeta.

Khomixinara wa SARS Ttn Edward Kieswetter u rhumerile hungu ra matimba eka lava tinghenelerisaka eka nghingiriko lowu wa vugevenga wo rhoba vahakelaxibalo lava vo tshembeka. U te, "Mo ndzi nga tshiki na munhu na un'we a kanakana mayelana na vuswikoti bya SARS na byo tirhana na tlhontho lowukulu eka lava nghenelelaka eka migingiriko leyi ya vugevenga. Hi ku tirha na tiejensi tin'wana ta vuhlayisi bya nawu, SARS yi ta tirhisa matshalatshala hinkwawo ku hlota no kuma swigevenga leswi. Leswi a hi nchaviselo, layeka."

Ku kuma voxokoxoko ku ya mahlweni, u komberiwa ku tihlanganisa na SARSMedia@sars.gov.za